



29. november 2012

Inatsisartut suleriaasiat § 37 imm.1. naapertorlugu Naalakkersuisunut apeqqutit:

- 1. Imarsiornermik Ilinniarfiup aammalu Pinianermut Aalisarnermullu Ilinniarfiup Nuummut nuunneqarsinnaanerata eqqartorneqarnerani suna eqqortuunersoq assut paasiuminaappoq, tassami Ilinniartitaanermut Naalakkersuisup isummanik assigiinngiiaanik oqariartuuteqartarnera aalajangiinerillu qanga pisimanersut eqqarsaatigalugit eqqunngitsoqarsorinarmat. 19. nov. 2012 isumaq alla 22. nov. 2012 isumaq alla. 23. nov. 2012 isumaq alla. Suna Imarsiornermik ilinniarfiup aammalu Pinianermut Aalisarnermullu Ilinniarfiup eqqortutut naatsorsuutigissavaat?**
- 2. Taamatut Naalakkersuisut aalajangerkertik pillugu pineqartut ilisimatippaat?**
- 3. Qanga tamanna Naalakkersuisut oqaluuserisimavaat aalajangerlugulu Imarsiornermik Ilinniarfiup aammalu Piniarnermik ilinniarfiup Nuummut nuunnissaat? Tamanna ullup ataatsip ingerlanerinnaani pisinnaasimanera pillugu isumaqarpugut Naalakkersuisoq nassuiaateqartariaqartoq.**
- 4. Nuussinissaq pillugu saqqummiussaq qanoq piareersarneqarsimatigaa?**
- 5. Inatsisartut amerlanerussuteqartut Inuit Ataqtigiit Siumullu upernaag Ilinniartitaanermi periusissaq oqaluuserinerani kissaatiginngilluinnarsimavaat Imarsiornermik Ilinniarfiup allamut nuunnissaa. Tamanna politikkikkut aalajangerneruvoq pingaarutilik Naalakkersuisut Inatsisartut piumasaat malillugu sulisussaananerit uani unioqqutinneqarpoq, Naalakkersuisut qanoq tamanna isummerfiginiarpaat?**
- 6. Naalaakkersuisut branceudvalgemut Imarsiornermik Ilinniarfimmuut attuumassuteqartumut tunngaviusumillu imarsiornermik ilinniarnermik nuussinissamut atatillugu qanoq piumasaqaateqarsimappat?**
- 7. Apeqqut 5. naaggamik akineqassappat sunamitaava toqqammavigalugu branceudvalgi taava nuussinierneq ingerlappaat?**

Apeqqut 5. aappimik akineqassappat kissaatigineqassaaq Naalakkersuisut branceudvalgemut piumasaqaataat akissummut ilanngunneqassasoq.

(Inatsisartuni ilaasortat Ruth Heilmann aamma Kim Kielsen, Siumut)

Tunngavilersuut:

Imarsiornermi ilinniarfik Paamiuniittoq aammalu Piniarnermut ilinniarfik Uummannamiittoq Naalakkersuisut allamut nuutinnissaanut aalajangiussaqaarnikuusimanatik 19. november 2012 inatsisartumut Kim Kielsen-imut § 37 naapertorlugu apeqquteqarnerani akissuteqarfigaa.

Aamma inatsisartut Ilinniartitaanermut Naalakkersuisoq Palle Christiansen Ilinniartitaanermi ataatsimiititaliami sassartinneqarnermini 22. nov. 2012 taamatorluinnaq nipeqarpoq, aammalu oqaatigalugu Naalakkersuisunut saqqummiussaqaarnissani piareersarlugu, tassalu ilinniarfiit taakkua allamut nuutinneqarsinnaanerat piareersarnerarlugu, tamannagooq siulersuisut pisortaqaarfiullu kissaatigisimammassuk. Aamma oqaatigaa Paamiuniittut kollegiat marluk 2013-ip ingerlanerani nutarsarneqarumaartut.

Ullumikkullu Ilinniartitaanermut Naalakkersuisup inatsisartunut agguataani saqqummiussami 23. november 2012 ullulereqartumi Qupp. 24-mi kalaallisuuani imm. 6 imatut allassimavoq:

“Naalaganngornianut Ilinniarfiup Paamiuniittup aammalu Aalisarnermut Piniarnermullu Ilinniarfiup Uummannamiittup Nuummur nuunneqarnissaannik aalajangerneq, tassani ataatsimut Imarsiornermut Qitiusumik Ilinniarfeqalerneratigut nukiit, qinnuteqarsinnaasut aningaasaliissutillu atorluarneqarsinnaanerujussuummata imarsiornermillu sulliviit imarsiortunik ilinniarimasunik pisariaqartitsineraanerat pitsaanerujussuarmik matussuserneqarsinnaalluni. Ilinniartitaanerit piffissaq ungasinnerusoq isigalugu kattunneqarnerisa pisariaqartissavaat nutaamik illuliornissaq Qitiusumik Ilinniarfiup atugassaanik, aammalu ingerlatsinerup, ilinniarnerit tunngaviisalu kattunnerinut piffissaq qaninnerusoq isigalugu aningaasaliissuteqarnissaq.”

Naalakkersuisut ullormiit ullormut isumaat allanngorartuq uani uppernarseqqinneqarpoq aammalu Naalakkersuisut suleriaasiata qarsupittuuneranik naqissusiilluni, tamanna uggornaqaaq akuersarneqarsinnaanngilluinnartuq.